



Finansira
Evropska unija

U partnerstvu sa:



**GRAD TUZLA U PARTNERSTVU S RAZVOJNIM PROGRAMOM UJEDINJENIH NACIJA RASPISUJE:
JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA
U SKLOPU REGIONALNOG PROGRAMA LOKALNE DEMOKRATIJE NA ZAPADNOM BALKANU 3
(ReLOaD3)**

ReLOaD3 je regionalni program kojeg finansira **Europska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Bosna i Hercegovina, Crna Gora, Kosovo*, Sjeverna Makedonija i Srbija.

Grad Tuzla i ReLOaD3 program pozivaju sve organizacije civilnog društva (OCD) iz Bosne i Hercegovine da dostave prijedloge projekata u okviru tematskih oblasti koje su u skladu s razvojnim ciljevima ove jedinice lokalne samouprave (JLS). Tematske oblasti potvrđene su kroz konsultacije s građanima i predstavnicima organizacija civilnog društva u okviru javne rasprave organizovane 23. oktobra, 2025. godine.

Definisane su sljedeće tematske oblasti u okviru javnog poziva:

1. UNAPRJEĐENJE KVALITETA DRUŠTVENOG ŽIVOTA MARGINALIZIRANIH GRAĐANA (SDG 10, 11)

- 1.1 Unaprjeđenje kvaliteta života građana treće životne dobi
- 1.2 Socijalno uključivanje djece i osoba sa teškoćama u razvoju i invaliditetom, osoba u riziku i svih marginaliziranih grupa
- 1.3 Ekonomsko i psihosocijalno osnaživanje osoba sa invaliditetom, osoba u riziku i marginaliziranih grupa.

2. LJUDSKA PRAVA I GRAĐANSKO UČEŠĆE (SDG 16)

- 2.1 Prevencija nasilja nad marginaliziranim grupama;
- 2.2 Zaštita i promocija ljudskih prava i prava djeteta;
- 2.3 Jačanje uloge građana u procesima donošenja odluka.

3. RAVNOPRAVNOST SPOLOVA (SDG 5, 10)

- 3.1 Ekonomsko i psiho-socijalno osnaživanje žena;
- 3.2 Prevencija i borba protiv nasilja u porodici i nasilja nad ženama.

4. ZAŠTITA ŽIVOTNE SREDINE (SDG 9, 11, 13)

- 4.1 Edukacija stanovništva u oblasti očuvanja okoliša i zaštite javnih površina,
- 4.2 Edukacija stanovništva u oblasti energetske efikasnosti i obnovljivih izvora energije.

5. MLADI (SDG 4, 5, 8)

- 5.1 Ekonomsko i psiho-socijalno osnaživanje mladih
- 5.2 Neformalno obrazovanje i edukacija mladih
- 5.3 Prevencija nasilja među mladima

Organizacije civilnog društva mogu dostaviti prijave u okviru tri LOT-a:

* Za Evropsku uniju, ovo imenovanje ne dovodi u pitanje stav o statusu i u skladu je sa UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

LOT	Iznosi sredstava po projektu	Dužina trajanja projekta
LOT 1	5.000,00 – 15.000,00 KM	Od 4-10 mjeseci
LOT 2	15.000,00 – 25.000,00 KM	Od 6-10 mjeseci
LOT 3	25.000,00 – 50.000,00 KM	Od 6-10 mjeseci

PRAVO UČEŠĆA:

Učešće u ovom Javnom pozivu otvoreno je, na jednakim osnovama, za sve formalno registrovane organizacije civilnog društva (udruženja/udruge ili fondacije), u skladu sa važećim zakonskim propisima u Bosni i Hercegovini.

VAŽNO: Da bi se prijavili na Javni poziv, podnosioci prijave moraju dostaviti **Izvod iz registra**, budući da je ovaj dokument **eliminatorskog karaktera**.

Sve zainteresovane organizacije civilnog društva detaljne informacije o uslovima za podnošenje prijave i kriterijima za finansiranje projekata mogu pronaći u **Smjernicama za podnosiocce prijave**, koje su sastavni dio ovog Javnog poziva. Više informacija o načinu i uslovima prijave na Javni poziv nalazi se u dokumentu „**Odgovori na često postavljena pitanja**“.

PREUZIMANJE DOKUMENTACIJE:

Sve potrebne informacije i elektronska verzija cijelog seta prijavne dokumentacije može se naći na web stranici Grada Tuzla (<https://grad.tuzla.ba/>) kao i na web stranici UNDP BiH (<https://www.undp.org/bs/bosnia-herzegovina>) **od 21. novembra do 19. decembra, 2025. godine**.

PREDSTAVLJANJE JAVNOG POZIVA I MENTORSKI SASTANCI

Prezentacija javnog poziva za zainteresovane organizacijama civilnog društva će biti održana: **u četvrtak 4. decembra, 2025. godine s početkom u 12:00 sati u zgradi Gradske uprave** (ul. ZAVNOBiH-a br. 11).

Organizacije civilnog društva će tokom sastanka biti detaljnije upoznati s pozivom, načinom prijavljivanja, kriterijima, itd.

- Tokom trajanja Javnog poziva, organizacijama civilnog društva biće osigurana dodatna mentorska podrška. Mentor će organizacijama civilnog društva pružiti podršku u pripremi projektnih prijave, u potpunosti u skladu sa zahtjevima Javnog poziva. Prvi sastanak s mentorom biće također organizovan **u četvrtak 4. decembra, 2025. godine s početkom u 12:00 sati**, zgradi Gradske uprave (ul. ZAVNOBiH-a br. 11).
- Raspored održavanja narednih mentorskih sastanaka, uključujući tačne datume i vrijeme, biće blagovremeno objavljen na službenoj web stranici Grada Tuzla.
- U cilju osiguravanja transparentnosti, zapisnici sa održanih mentorskih sastanaka biće javno objavljeni na web stranici Grada Tuzla, čime će se omogućiti pristup svim relevantnim informacijama i za OCD koje nisu bile u mogućnosti prisustvovati sastancima.
- Pitanja u vezi sa javnim pozivom podnosioci prijave mogu postaviti putem e-mail adrese registry.ba@undp.org sa naznakom za ReLOaD3 program. Pitanja se mogu postavljati do **14. decembra, 2025. godine**. Odgovori na upite će biti dostavljeni u pisanoj formi unutar tri radna dana od primanja upita.

PREDAJA PRIJAVA:

Dokumentacija za prijavu na Javni poziv može se preuzeti od 21. novembra do 19. decembra, 2025. godine, sa zvaničnih web stranica Grada Tuzla (<https://grad.tuzla.ba/>) i UNDP BiH (www.undp.org/bs/bosnia-herzegovina).

Prijava na Javni poziv mora sadržavati:

- **jedan elektronski primjerak (USB) sa obaveznom dokumentacijom:**
 - za LOT 1: projektni prijedlog, budžet i plan aktivnosti i promocije;**
 - za LOT 2 i LOT 3: projektni prijedlog, budžet, matrica logičkog okvira i plan aktivnosti i promocije;**
- **ovjerenu kopiju Izvoda iz registra.**

Prijava se dostavlja u jednoj zatvorenoj koverti preporučenom poštom ili lično na protokol Grada Tuzla od ponedjeljka do petka, u periodu od 08:00 do 15:00 sati, s naznakom za ReLOaD3 program na adresu:

Grad Tuzla
ZAVNOBiH-a br.11
75000 Tuzla, Bosna i Hercegovina

Rok za predaju prijava je **19. decembar, 2025. godine, do 15:00 sati**. Prijave pristigle nakon navedenog roka će biti razmatrane samo ako poštanski žig jasno ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijava, puno ime i adresu podnosioca prijave, puni naziv projekta i riječi "Ne otvarati prije zvaničnog otvaranja".

Rezultati javnog poziva će biti objavljeni na web stranicama Grada Tuzla (<https://grad.tuzla.ba/>) i UNDP BiH (www.undp.org/bs/bosnia-herzegovina), kao i na oglasnoj ploči u zgradi Gradske uprave, u roku od 45 radnih dana od zatvaranja javnog poziva (izuzev u slučaju nepredviđenih okolnosti). Pisanim putem će biti obaviještene samo organizacije civilnog društva čiji su prijedlozi projekata odabrani za finansiranje.